

永樂大典

卷一萬二千三百
七

永樂大典

卷二二三〇七

萬。癸卯分命近臣於京城祠廟禱雨。詔學究舉人所習詩書并易為一科及第。選敘與三禮三傳同例。乙巳太子中舍胡德冲棄市。坐通判廷州隱沒官錢一百八十萬。為錄事參軍。既從革所發故也。從革尋改左贊善大夫。權知海州。從革未見。三月。詔權停貢舉。乙丑。三佛齊國遣使來貢方物。夏四月丙戌。追贈昭憲皇太后曾祖蘊。太保。祖琬。太傅。父興。太師。妣皆封衛燕齊國太夫人。癸卯。殿中侍御史劉光輔。坐知楚州日受賂。除籍為民。丙午。命左補闕南皮實黃中。檢視廣南民田。黃中廉直平恕。遠人便之。運奏利害數十事。皆稱旨。李從善之入貢也。度支判官殿中侍御史李瑩。實為接伴。瑩私受從善之賂。人或告之。五月戊申朔。瑩坐責為右贊善大夫。分其賂賜鹽鐵判官劉兼。戶部判官辛仲甫。各十萬錢。未見。甲寅。以密州所舉貞廉德行忠孝人齊得一。為章丘縣主簿。得一。初以五經教授鄉里。弟子自遠而至。晉未遭亂。其家為州將所屠。得一脫身免。訴諸朝廷。州將坐黜。得一乃還家。布衣蔬食。不復仕進。於是應詔來京師。策試中選。故有是命。監察御史渤海劉蟠。受詔於廬舒等州巡茶。蟠乘贏。偽稱商人。抵民家求市。民家不疑。出茶與之。即禽置於法。壬戌。命蟠同知淮南諸州轉運事。京師民有市官物。或不當價者。馬

永樂大典卷二二三〇七

西

軍都軍頭史瑛。密遣人伺之。告其誣罔。往往坐誅。列肆為之盡閉。上既聞其事。乙酉。降詔曰。古人以獄市為寄者。蓋知小民惟利是從。不可盡絕。以法也。且先甲之命。未始申嚴。苟陷人於刑僻。深非理道。將禁其二價。宜示以明文。自今應市易官物。有妄增損價直。欺罔官錢者。案鞫得實。並以枉法論。其犯在詔前者。一切不問。自是珪所言。上愈不用矣。丙寅。幸講武池。觀習水戰。丙子。又幸講武池。觀習水戰。遣幸玉津園。是月。詔司夫臺學生及諸司技術工巧人。不得擬外官。江南國主。天性有友。初李從善與鍾謨親狎。嘗有奪宗之謀。及元宗殂於豫章。獨從善與諸弟扈從。因懷非望。就宰相徐遊求遺詔。遊正色不與。至建業。具以聞。國主不問。待之愈厚。從善既被留。國主悲戀不已。歲時宴會皆罷。為却登高。文以見意。於是遣常州刺史陸昭符。昭符有傳。不著其邑。入貢。奉手疏求從善歸國。上不許。出其疏示從善慰撫之。

永樂大典卷之一萬二千三百六

永樂大典卷之一萬二千三百七 一送

宋 太祖十

李燾續通鑑長編開寶七年六月甲申以從善掌書記江直本直本未見為司門員外郎同判兗州僚佐悉推恩尋又封從善母陵氏為吳國太夫人十一月庚辰封陵氏今并書之昭符在江南與張洎有隙上雅知之因從容謂昭符曰爾國弄權者結唯小兒張洎何不入使爾歸可諭命一來朕欲觀之昭符懼遂不敢歸陸昭符入貢月日實錄本紀並不載江表志云從善除兗州昭符入謝上語及洎洎昭符遂留按昭符本傳開寶七年僅入貢則除從善為兗州時未嘗留也除兗州在二年閏二月江表志云陸昭符既未回下國在晉州則亦難具陳疑昭符復入貢亦必以求從善歸國故也當考 戊子詔倉部郎中知制誥張澹權點檢三司公事依舊翰林院宿直澹初出居郎署頗怏怏晚節附會虛多避始獲進用不踰旬遽卒上聞其無子甚問之命中使護喪葬洛陽河中府及絳州民飢

永樂大典卷萬三千三章

丙申詔發河中軍儲三萬石以賑之 乙巳減京城麴價斤止百錢 秋七月壬子幸講武池觀習水戰遂幸王津園 南丹州蠻溪洞之別種也地與宜州接丙辰首帥莫洪魯自稱節度使遣牙校陳紹規奉表修貢求內屬 川峽蠻承偽制官鬻之於是詔斤減十錢以惠遠民 虛多避既還江南國主知上有南伐意遣使願受封策上不許於是復遣閭門使梁迥使焉迥從容問國主曰朝廷今冬有柴燎之禮國主盍來助祭國主唯唯不答迥歸上始決意伐之 梁迥以此歲夏出使不知果何日也今附此 初江南人樊若水舉進士不中第上書言事不報遂謀北歸先釣魚采石江上以小舫載絲繩其中維南岸而疾棹抵北岸以度江之廣狹凡數十往反而得其丈尺之數遂詣闕自言有策可取江南上命學士院試賜及第授舒州團練推官若水告上以母及親屬皆在江南恐為李煜所害願迎至治所上即詔國主護送國主聽命戊辰召若水為贊善大夫且遣使詣荆湖如若水之策造大艦及黃黑龍船數千艘將浮江以濟師也若水傳云若水以開寶三年上書會要亦云在三年十一月大定錄乃云在六年十一月登科記云七年不貢舉賜上書人樊若水及第疑若水以去年冬來歸今年冬授官大定錄與登科記皆得其實也今并書于此 已

已彰德節度使贈侍中韓重贇卒。遣中使護喪事。重贇好釋氏。在廬州凡六七年。日課部民採西山木造佛寺。未嘗暫息。人皆苦之。太子中允李仁友。坐知興元府私收渡錢數十萬。并強置女口。庚午。棄市。契丹軍罷。庫副使石重榮。東頭供奉官劉琮。來降。八月丙子朔。以重榮為茶酒庫副使。琮為西頭供奉官。重榮。琮。未見。先是吳越王傲。遣元帥府判官福人黃夷簡入貢。上謂之曰。汝歸語元帥。當訓練兵甲。江南僭強不朝。我將發師討之。元帥當助我。無惑人言。云皮之不存。毛將安傅也。特命有司造大第於薰風門外。連巨數坊。棟宇宏麗。儲峙什物。無不悉具。乃召進奉使錢文贊謂之曰。朕數年前。命學士承旨陶穀草詔。比於城南建離宮。今賜名禮賢宅。以待李煜及汝主。先來朝者賜之。且以詔草示文贊。遂遣文贊賜傲羊馬。諭旨於傲。戊寅。傲遣其行軍司馬孫承佑入貢。丁亥。辭歸。上厚賜傲器幣。且密告以師期。承佑。傲妃之兄。本伶人。以妃故。貴近用事。專其國政。時謂之孫總監。言無所不領轄也。九國志。載錢文贊至自京師。在開寶四年。國史并黃夷簡入貢。皆載於五年之後。九國志恐失之太早。然國史月日都不可考。今且因孫承佑來朝先著之。十國紀年。亦於開寶五年載夷簡入貢。當考。己丑。幸講武池。觀習水戰。賜軍人錢。甲午。忠武節

永樂大典卷之萬二千五百

度使同平章事。贈中書令。琅琊正懿王王審琦卒。初審琦暴得疾失音。上親臨問。錫養鉅萬。及卒。又幸其第。哭之慟。贈並加等馬。宋制。要錄。戊戌。啟中丞趙尚除名。坐知漢州日。禮稅竹木也。甲辰。幸講武池。觀習水戰。遂幸玉津園。九月癸亥。命潁州團練使曹翰。領兵先赴荆南。丙寅。復命宣徽南院使曹彬。侍衛馬軍都虞候洛陽李漢瓊。判四方館事。田欽。祚。同領兵繼之。上已部分諸將。而未有出師之名。欲先遣使召李煜入朝。擇羣臣可遣者。先是左拾遺知制誥閔封李穆。與參知政事盧多遜。同門生。上嘗謂多遜曰。穆性仁善。文辭之外。無所豫。多遜曰。穆操行端直。臨事不以生死易節。仁而有勇者也。上曰。誠如是。吾當試之。丁卯。遂遣穆使江南。穆至諭旨。國主將從之。光政使門下侍郎陳喬曰。臣與陛下。俱受元宗顧命。今往必見留。其若社稷何。臣雖死。無以見元宗於九泉矣。清輝殿學士石內史舍人張洎。亦勸國主無入朝。時喬與洎。俱掌機密。國主委信之。遂稱疾固辭。且言。謹事大國者。蓋望全濟之恩。今若此。有死而已。穆曰。朝與否。國主自處之。然朝廷兵甲精銳。物力雄富。恐不易當其鋒也。宜熟計慮。無自貽後悔。使還。具言其狀。上以為所諭要切。江南亦謂穆言不欺已。使還。當在此月後。今并言之。是日。又命山南東道節度使潘美。侍衛步軍都

虞候清池劉遇。東上閤門使梁迥等。同領兵赴荆南。甲戌。以太子中允知荆湖轉運使許仲宣。兼南面隨軍轉運使事。仲宣青州人也。冬十月。開封府言京城諸官司。獄皆空無繫囚。甲申。上幸迎春苑。登汴堤。發戰艦東下。丙戌。復幸迎春苑。登汴堤。觀諸軍習戰。遂幸東水門。發戰棹東下。江南國主復遣其弟江國公從鑑。水部郎中龔慎。修重幣入貢。且貢宴。上皆留之。不報。曹彬與諸將入解。上謂彬曰。南方之事。一以委卿。切勿暴略。生民務廣威信。使自歸順。不須急擊也。且以匣劍授彬曰。副將以下。不用命者斬之。潘美等皆失色。不敢仰視。自王全斌平蜀。多殺人。上每恨之。彬性仁厚。故專任焉。邵氏見聞錄云。趙普賈為曹彬。按此時普已罷相。出鎮兵。恐邵氏誤。今不取。紀事本末。太祖初命曹彬討江南潘美。副之。將行。賜燕於講武殿。酒三行。彬等起跪於榻前。乞面授。上懷中出一寶符。文字付彬曰。奉分盡在其間。自潘美以下有罪。但問此符。斬之。不須奏。二日。既乘而進。施。江南平。無一犯律者。比還。復賜講武殿。酒三行。二臣起跪於榻前曰。臣等幸無敗事。昨面授文字。不敢藏於家。即納於上前。上徐自發符示之。乃白紙一張也。上神武機權如此。初持以是。中令使來犯而發符。見而為白紙。則必入罪。及歸而示之。又將以見。初無輕斬之意。恩

永樂大典卷萬三千三

三

威兩得。故雖彬等無不折服。壬辰。曹彬等發荆南。赴金陵。丁酉。以吳越王俶為昇州東南面行營招撫制置使。仍賜戰馬二百匹。遣客省使丁德裕。以禁兵步騎千人為俶前鋒。且監其軍。己亥。曹彬等自蘄陽過江。破峽口寨。殺守卒八百人。生禽二百七十人。獲池州牙校王仁震。王宴。錢興等三人。甲辰。以曹彬為昇州西南面行營馬步軍戰權都部署。潘美為都監。曹翰為先鋒。都指揮使。初。王師直趨池州。緣江屯戍。皆謂每歲朝廷所遣巡兵。但閉壁自守。遣使奉牛酒來。搗師。尋覺異於他日。池州守將文彥遂棄城走。閏十月。己酉。曹彬等入池州。先是。上遣八作使郝守濬。守濬未見。率丁匠自荆南以大艦載巨竹。短并下朗州。所造黃黑龍船。於米石磯。跨江為浮梁。或謂江闊水深。古未有浮梁而濟者。乃先試於石牌口。既成。命前汝州防禦使靈丘陸萬友往守之。丁巳。曹彬等及江南兵戰於銅陵。敗之。獲戰艦二百餘艘。生禽八百餘人。銅陵在池州東北一百四十里。庚申。知制誥史館修撰扈蒙上言。昔唐文宗每開延英。召大臣論事。必命起居郎舍人。執筆靖切。以紀時政。故文宗實錄。今最詳備。後唐明宗亦命端明殿學士。及樞密直學士。輪修日曆。送史館。近朝以來。此事都廢。每季雖有內庭日曆。樞密院錄送史館。然所記者。不過對見辭謝而已。帝王

永樂大典

卷二二三〇七

言勤莫得而書。緣宰相以漏泄為虞。無因肯說。史官以疎遠是隔。何由得聞。望自今凡有裁判之事。優恤之言。發自宸衷。可書簡冊者。並委宰臣及參知政事。每月輪知抄錄。以備史官撰集。詔從之。命盧多遜專其職。士成曹彬等至當塗。惟遠軍判官蔡源魏羽以城降。惟遠即當塗也。江南置軍於其縣。王師先拔蕪湖。又克當塗。遂屯采石磯。潭州歲貢新茶。斤片重厚。頗異他歲。有司請別定其價。上曰。茶則善矣。無乃重困吾民乎。癸亥。詔潭州依舊榷模製造。毋輒增改。甲子。監修國史薛居正等上新收五代史百五十卷。明日上謂宰相曰。昨觀新史。見梁太祖暴亂醜穢之跡。乃至如此。宜其旋被賊虐也。丁卯。曹彬等敗江南二萬餘衆於采石磯。生禽一千餘人。及馬步軍副部署楊牧。兵馬都監珠震等。又獲戰馬三百餘匹。初江南無戰馬。朝廷每歲賜與百匹。至是驟為前鋒。以拒王師。既獲之。驗其印記。皆朝廷所賜者也。十一月乙亥朔。潭州兵入江南界。攻萍鄉。為其制置使劉茂忠所敗。國主即授茂忠袁州刺史。茂忠。安福人也。通判鹽戶納鹽。舊以布帛茶米等折償其直。庚辰。詔給以錢。癸未。籍秦寧節度使李從善麾下。及江南水軍凡千三百餘人為禁旅。號曰歸聖。甲申。省劔南道諸縣主簿。詔免蒲。陝。晉。絳。同。解。等六州通租。陝西諸州

永樂大典卷萬三千三百七

五

丞徐元。少府監丞張玘。分領三司孔目官事。見判官如吏人之禮。踰年罷之。丁未。漢陽兵馬監押寧光祚。敗鄂州水軍三千餘人於江北岸。光祚

以此月初三日捷。初八日奏到。己未。護國節度使贈侍中陳思讓卒。遣中使護喪事。錄其子欽。作為尚食副使。思讓累歷方面無敗政。然酷信釋

氏。所至禁屠宰。俸祿悉以飯僧。衆號為陳佛子。身沒之後。家無餘財。吳越王傲。率兵圍常州。俘其軍二百五十人。馬八十匹於常州城下。明年正

月初九日奏到。癸亥。拔利城寨。破其軍三千餘衆。生禽六百餘人。丙寅。曹彬等。破江南兵於新林港口。斬首二千級。焚戰艦六十餘艘。明年正月

一日奏到。北漢主搜其軍中子弟。自十七以上。皆籍為兵。盡括民馬。遣代州刺史尉進。來寇平陽。權知晉州武守琦。率衆禦之。庚午。與進遇於洪

洞縣界。擊敗北漢兵五千餘人。明年正月初四日奏到。辛未。吳越王傲。破江南兵萬餘衆於常州北境上。明年正月二十一日奏到。是歲。始詔

除授京官。差遣勾當黜陟。合中書依朝官例降敕。御史臺修寫班簿。每十日一上中書。此事據會要。因十月事。今附此。當考以前。何獨不降敕。進班

簿。北漢主改元廣運。天會凡十八年。始改廣運。或云。十三年即改。蓋誤。今從資治通鑑考異。以劉繼顯神道碑為正。契丹將通好于我。遣使諭北

漢主以強弱勢異無妄侵伐北漢主聞命慟哭謀出兵攻契丹宣徽使馬峰固諫乃止此據十國紀年

開寶八年春正月丙子權知池州樊若水敗江南兵四千人於州界初曹彬等師未出上命韶州刺史王明為黃州刺史面授方略明既視事亟修葺城壘訓練士卒衆莫諭其意及彬等出師即以明為池州至岳州江路巡檢戰都部署辛巳明遣兵馬都監武守謙等領兵渡江敗江南兵萬餘人於武昌殺七百人拔樊山寨十九日奏到是日行營左廂戰棹都監田欽祚領兵敗江南兵萬餘人於深水斬其都統使李雄十九日奏到十國紀年李雄作張雄甲申王明言敗鄂州兵三百餘人於江南岸此但休實錄據奏到日書之其捷時當在去年末或今年初拔樊山寨以前也

乙酉上謂宰相曰古之為君鮮能正身自致無過之地朕常夙夜畏懼防非窒欲庶幾以德化人之義如唐太宗受人諫疏直詆其失曾不愧恥豈若不為之而使下無間言哉為臣者或不終其名節而陷於不義蓋忠信之薄而獲福亦鮮斯可戒矣丙戌樊若水遣兵馬監押王侁領兵敗江南四千餘衆於宣州界侁杵子也庚寅曹彬等進攻金陵行營馬軍都指揮使李漢瓊率所部度秦淮南取巨艦實以葭葦順風縱火攻其水

永樂奪襄萬平章

六

寨拔之斬首數千級初次秦淮江南兵水陸十餘萬背城而陣時舟楫未具潘美下令曰美提曉果數萬人戰必勝攻必取豈限此一衣帶水而不徑度乎遂率所部先濟王師隨之江南兵大敗江南復出兵將沂沭奪采石浮梁美旋擊破之禽其神衛都軍頭鄭賓等七人潘美秦淮之捷當在正月而實錄之本紀載二月亦不稱其日蓋因曹彬傳所載二月次秦淮故也彬及美傳載故水寨在捷于秦淮之後然故水寨實錄具載其日乃正月十七日也據此則當先載秦淮之捷疑不敢決仍附見于後彬傳稱既捷於秦淮浮梁始成按美先率所部涉水則秦淮蓋不設浮梁浮梁當在采石磯也美傳又於秦淮既捷之後始言采石浮梁成事愈顯則然亦可見秦淮未嘗設浮梁而鄭賓等沂沭實欲奪采石浮梁耳今略加刪潤更俟考求

癸亥命京西轉運使李符益調荆湖軍食赴金陵城下是月北漢主命劉繼業馬峰攻晉州武守琦敗之洪洞此據十國紀年二月丙午權知潭州朱洞遣兵馬鈐轄石曠領衆敗江南兵二千餘人於袁州西界曠太原人也十六日奏到朱洞未見癸丑曹彬等敗江南兵萬餘衆於白鷺洲斬首五千餘級禽百餘人獲戰艦五十艘十七日奏到乙卯拔昇州關城守陴者皆遁入其內城殺千餘衆溺死者又千計天德軍都

知兵馬使張進等九人來降。初，右諫議大夫段思恭知揚州，朝廷方欲經略江南，命思恭兼緣江巡檢，出則委通判以州務，而思恭常挈印及鼓角金鉦等自隨，驛書自京師至者，輒令齋詣其所，事多稽緩。通判右贊善大夫李荅不能堪，遂相與告訐，付有司鞠之。思恭詞不直，丁巳，責思恭為太常少卿。荅為大理寺丞。壬戌，賜吳越王俶軍衣五萬副，俾分給其行營將士。癸亥，權知揚州侯陟以所部兵敗江南十餘眾於宣化鎮。甲子，上謂宰相曰：「年穀登豐，人物繁盛，若非上天垂祐，何以及此。所宜共思濟給，振舉關政，庶成開泰之基也。」丁卯，知制誥王祐權知貢舉。知制誥扈蒙左補闕梁周翰秘書丞雷德驥並權同知貢舉，命權同知貢舉始此。戊辰，上御講武殿覆試，王祐等所奏合格舉人王式等因詔之曰：「向者登科名級多為勢家所取，致塞孤寒之路，甚無謂也。今朕躬親臨試，以可否進退，盡革曩昔之弊矣。式等皆頓首謝。人是內出詩賦題試得進士王嗣宗以下三十人。諸科三十四人。江南進士林松雷說試不中格，以其間道來歸，並賜三傳出身。嗣宗汾州人也。初授秦州司寇參軍，時侍御史路冲知州事，為政苛急，盜賊羣起。嗣宗來問極言其失，冲大怒，繫嗣宗於獄。又教民之無賴而嘗被罪者，訟嗣宗治獄枉濫，朝廷遣使者

永樂大典卷一萬三千三百

七

按初，具得訟者証罔之狀，以聞。嗣宗始獲免。記開云：「中宗對句即格之，與此不同。當考以子持得狀九。尹載舉行故事時。」是月，江南知貢舉戶部員外郎伍喬放進士張確等三十人。自保大十年間貢舉，訖于是歲，凡十七曠，故進士及第者九十三人。九經一人。此錄十國紀年。王師已至城下，而貢舉猶不廢。李煜誠不知務者，故特書之。三月戊寅，召近臣宴射苑中。壬午，太子洗馬周仁俊責授平涼縣令。坐知瓊州日販易規利故也。乙酉，幸造船務。丁亥，權知廬州邢琪領兵度江至宣州界，攻拔義安寨，斬首千餘級。上性寬仁，多恕，尚食供膳有蟲，緣食器，謂左右曰：「勿令掌膳者知，嘗讀堯典，歎曰：堯舜之世，四凶之罪，止從投竄，何近代惡網之密耶。蓋有意於刑措也。」故自開寶以來，犯大辟，非情理深害者，多貸其死。己丑，有司言自二年至今，詔所貸死罪凡四千一百八人。庚寅，曹彬等敗江南兵三千餘眾於江中，禽五百人。癸巳，命近臣析兩於在京祠廟。乙未，太子中舍郭繁除名，坐監菜蕪監。受治官景節私賂也。己亥，權知潞州藥繼能領兵入北漢界，夜攻鷹淵堡，拔之，斬首數千級。獲馬八百匹。契丹遣使克妙骨慎思奉書來聘，詔問門副使郝崇信。崇信未見，至境上送之。及至館于都亭驛，是日召見，及其從者十二人，賜衣帶

永樂大典

卷一二三〇七

器幣各有差。宴於長春殿。仍召至使坐觀。諸班騎射。令其二從者。裹屋六除骨。與衛士馳射。毛毬。截柳枝。及解歸園。復召見。賜器幣。因謂宰相曰。自五代以來。北戎疆盛。蓋由中原衰弱。遂至晉帝蒙塵。亦否之極也。今景慕而至。乃時運使然。非涼德能致。先是涿州遺孫全興書云。遣使克妙骨。慎思。至是發書。但云克慎思。或云克其官號也。又曰。其姓氏也。壬寅遣中使王繼恩。領兵數千人。越江南。詔北者民輸租。其絀絹不成疋者。率三戶至五戶合成疋。以送官。頗為煩擾。自今絀不滿半疋。絹不滿一疋者。計丈尺輸其直。大食國遣使來貢方物。夏四月乙巳。幸東水磴。王明言。敗江南兵於江州界。斬首二千餘級。據十國紀年。此乃三月。既無的日。因未列書之。癸丑。幸都亭驛。臨河亭閱新戰船。吳越兵圍常州。刺史禹萬誠距守。大將金成禮劫萬誠以城降。吳越初起兵。丞相沈虎子者。虎子本見。諫曰。江南國之藩蔽。今大王自撤其藩蔽。將何以衛社稷乎。不聽。遂罷虎子政事。命通儒學士崔仁冀代之。摠其兵要。仁冀錢塘人也。壬戌。幸都亭驛。臨汴觀飛江兵來刀魚船習戰。曹彬等言。敗江南兵二千餘人於秦淮北。實錄不載。其發奏之日。奏以二十日到。因書之。本紀又言。先昇州開城。蓋誤也。先開城。乃二月十二日矣。戊辰。幸玉津園觀種

永樂大典卷萬千壹

八

稻。遂幸講武池觀習水戰。廣州言。竊盜賊滿五貫至死者。準詔當奏裁。嶺表遐遠。覆按稽滯。請不候報決之。上惻然曰。海隅之俗。習性貪賈。穿窬攘竊。乃其常也。庚午。詔廣南民犯竊盜賊滿五貫者。止決杖。照面配役。十貫者。棄市。幸西水磴。是月。教坊使衛德仁。以老求外官。且援同光故事。求領郡。上曰。用伶人為刺史。此莊宗失政。豈可效之耶。宰相擬上州司馬。上曰。上佐乃士人所處。資望甚優。亦不可輕授此輩。但當於樂部遷轉耳。乃命為太常寺大樂署令。宋史全文富弼曰。古之執法於上者。出鄉不得與士齒。太祖不以伶官處士人之列。止以太樂領授之。在流外之品。所謂塞階溢之原。呂夷簡曰。帝王身處后族。忌寵戚里。優厚親侍。以金帛富之可也。賈賜厚之可也。惟不使求官爵。親政事。杭州法。我太祖不許衛德仁領郡。則曰。用伶人為刺史。此亂世之事。不與王繼恩相密使。則曰。內官不可使居權要職。太宗不許戚里於秦陳市木。則曰。恐壞天下法。則真宗不許趙自化領運郡刺史。則曰。非朝廷舊典。抑秦國之請。則曰。州縣之任。係國家之公議。違保吉之奏。則曰。有司自有常典。斯可謂存天下之公。抑親侍之私。非聰明聖智之上。孰能行之。三聖之德。於是超焉。湯而齊先聲也。五月壬申朔。加吳越王儼守太師。以其子鎮海鎮東節度使惟濬

同平章事。寧遠節度使惟治。為奉國節度使。行軍司馬孫承佑。為平江節度使。行營兵馬都監丁德裕。權知常州。初兵部郎中董振。知桂陽監。右贊善大夫孔璘代之。璘罷。太子洗馬趙瑜代之。稱疾去。以著作郎張侃代之。侃至未幾。奏璘在官累月。得羨銀數十斤。雖送官而不具數計。振與璘所隱沒多矣。詔御史府鞠之。獄具。有司言法皆當死。上曰。趙瑜非自盜。但不能發摘耳。璘與振並棄市。瑜決杖。派海島。以侃為屯田負外郎。張侃未見。庚辰。以解州刺史王政忠。權知晉州兼兵馬鈐轄。政忠未見。既政忠實代或守璘者。故推尋守璘事。故出此以特考詳。世言太祖義社十九弟。政忠蓋其一也。并當檢討。辛巳。以久雨。命近臣祈晴於在京祠廟。

改雄遠軍為平南軍。甲申。吳越王俶言。江陰寧遠軍。及綠江諸寨皆降。幸新修染院。梅山洞壘。聞江表用兵。乘間寇潭邵州。乙酉。詔潭州長沙等七縣民。為蠻賊虜劫者。歸去年通租。仍給復一年。尋詔邵州武岡等七縣。亦如之。上初遣供奉官李繼隆。以進武三百人戍邵州。止給刀楯。至潭州之南。蠻數千遮截其道。繼隆力戰。蠻乃遁去。手足俱中毒矢。兵傷者百餘。或告上以繼隆輕敵可罪者。已而具得其實。上始器焉。繼隆。蘆州之子也。甲午。靜海節度使丁璉。遣使來貢方物。丁酉。王明言。破江南

永樂大典卷一百三十三

九

萬餘衆於武昌。奪戰艦五百艘。己亥。開封府言。京城諸官司獄空無繫囚。辛丑。河決濮州郭龍村。詔商人以生藥度嶺者免算。上稱東都事。略。詔曰。嶺水之俗。疾不呼醫。自皇化後。及。始知方藥。商人齋生藥度嶺者。免算。初陳喬。張洎。為江南國主謀。請所在堅壁。以老王師。師入其境。國主弗憂也。日於後苑引僧及道士誦經講易高談。不郵政事。軍書告急。非徐元禱等。皆莫得通。師傳城下累月。國主猶不知。時宿將皆前死。神衛統軍都指揮使皇甫繼勳者。暉之子也。暉初見乾祐六年。年尚少。國主委以兵柄。繼勳素貴驕。初無効死意。但欲國主速降。而口不發。每與衆言。輒云北軍強勁。誰能敵之。聞兵敗。則喜見顏色。曰。吾固知其不勝也。繼勳從子紹傑。以繼勳故。亦為巡檢使。親近繼勳。嘗令紹傑密陳歸命之計。國主不從。偏裨有募敢死士。欲夜出營邀王師者。繼勳必鞭其背。拘囚之。由是衆情憤怒。又託以軍中多務。罕入朝謁。國主召之。亦不時至。是月國主自出巡城。見王師列寨城外。旌旗滿野。知為左右所蔽。始驚懼。乃收繼勳付獄。責以流言惑衆。及不用命之狀。并紹傑殺之。軍士爭鬻割其肉。頃刻都盡。繼勳既誅。凡兵機處分。皆自澄心堂宣出。實泊等專之也。於是遣使召神衛軍都虞候朱令贇。以上江兵入援。令贇業之子也。業初見顯德三年。擁

十萬衆屯湖口。諸將請乘漲江速下。令贊曰：我今進前，敵人必反。據我後，戰而捷可也。不捷，糧道且絕。其為害益深矣。乃以書召南都留守柴克貞，使代鎮湖口。克貞先已病，遣延不行。令贊亦不敢進。國主累促之。令贊不從。克貞，丹用子也。丹，初見乾寧二年。六月癸卯，曹彬等言：敗江南兵二萬餘衆於其城下，奪戰艦數千艘。丁未，宋州觀察判官崔約、錄事參軍馬休棄市，並坐受賄不法也。辛亥，澧州言：河決頓丘縣界。辛酉，前鳳翔節度使、太師兼中書令、魏王符彥卿卒。報三日朝。官給葬事。彥卿武勇有謀，善用兵。契丹自陽城之敗，尤畏彥卿。或馬病不飲，必唾而呪曰：是豈有符王耶？契丹既滅，晉北歸，耶律德光母問其左右曰：彥卿安在？或對曰：在徐州。母曰：不與彥卿來，何失策之甚也。甲子，善出柳長四丈，晨見東方西南指，應與鬼。距東壁凡十一舍。八十三日乃沒。己巳，賜秘書丞雷德驥錢十萬，以子有鄰病死故也。秋七月，辛未朔，日有食之。先募民告官吏隱欺，額外謀利者，賞以錢，而告者或恐喝求財，或因報私怨，訴訟紛然。益為煩擾。癸酉，詔罷之。丙子，開封府又言：京城諸官司欲皆空無繫囚。詔諸州所上案牘，令大理寺、刑部共裁斷，以聞。諸道巡檢捕盜使臣，凡獲寇盜，不得先行考訊，即送所屬州府。丁丑，廬州無為鎮巡檢杜光俊言：敗宣州兵三百餘人於江南岸。庚辰，遣西上閤門使郝崇信、太常丞呂端，使于契丹。端，餘慶之弟也。初，江南捷書累至，歸使督率從鎰入賀。潘慎修以為國且亡，當待罪。何賀自是羣臣稱慶。從鎰即奉表請罪。上嘉其得禮。遣中使慰撫，供帳牢餼，悉從優給。壬午，復命李務送從鎰還其國。手詔促國主來降。且令諸將緩攻以待之。癸未，西大東印土王子據結說羅來朝貢。據新羅書考。先是，詔吳越王俶歸其國，假以兵屬其大將烏程沈承禧。隨王師進討。甲申，假遣使入貢謝恩。高州刺史田景遷卒。其子牙內都指揮使彥伊求告。己丑，即命彥伊襲其父為刺史。癸巳，皇子德若出閣。己亥，山後兩林鬼主懷化將軍勿泥等六十餘人，來貢方物，以勿尼為歸德將軍。左司員外郎權知揚州侯陟，受賄不法，為部下所訟。追赴京師。陟素善參知政事盧多遜。自度繫獄必窮屈，乃私遣人求表於多遜。時金陵未拔，上頗厭兵。南土旱濕，方秋暑，軍中又多疾疫。上議命曹彬等退屯廣陵。休士馬，以為後圖。多遜爭不能得。會陟新從廣陵來，知金陵危蹙。多遜教令上急變言江南事。陟時被病，上命皇城卒掖入見。即大言曰：江南平在朝夕。陛下奈何欲罷兵？願急取之。臣若誤陛下，請夷三族。上屏左右，召昇殿問狀。遣寢前議。赦陟罪不治。八月甲辰，復

以陟判吏部流內銓。或云已發詔罷兵因陟言始命遣還。其誤也。時方有此議耳。朝廷以丁璉遠修職貢本其父部領之意。始議崇寵之。丙午封部領為交趾郡王。遣鴻臚少卿高保緒右監門衛率王彥符往使保緒繼中從父也。江南吉州刺史胡公霸脫身來降。以公霸為和州刺史。乙卯幸東水磴觀漁。遂幸北園。辛酉詔停今年貢舉。壬戌契丹遣左衛大將軍耶律霸德弓箭庫使堯盧骨通事左監衛將軍王英來聘獻御水玉帶名馬。上皆厚賜之。因命從獵近郊。上親射走獸。矢無虛發。使者俯伏呼萬歲。私謂譯者曰。皇帝神武無敵。射必命中。所未嘗見也。西南蕃三十九部。順化王子若廢等三十七人來貢馬及丹砂。左驍衛上將軍致仕李洪信卒。洪信無他才術。徒以漢外戚。致位將相。好聚斂。積財鉅萬。而尤吝嗇。當時節鎮皆廣募親兵。惟洪信所畜殊寡少。癸亥。丁德裕言敗江南兵五千餘人於潤州城下。時德裕與吳越兵圍潤州也。是月。以南頓縣令楊可法為鄆州防禦推官。權知軍州事。此據今要。九月壬申。上獵于近郊。逐兔。馬蹶而墜。引佩刀刺所乘馬。既而悔之曰。吾為天下主。而輕事畋遊。非馬之過也。自是遂不復獵矣。此月壬申。出獵。自是遂不復出獵。日附見此事。王師初起。江南以京口要害。當得良將。侍衛都虞候劉

永樂大典卷萬三千七百七

十一

澄。澄未見。舊事藩邸。國主尤親任之。乃擢為潤州留後。臨行謂曰。卿大未合離孤。孤亦難與卿別。但此非卿不可。劉孤心。澄泣涕奉辭。歸家盡罄金。王以往。謂人曰。此皆前後所賜。今國家有難。當散此以圖勦業。國主聞之喜。及吳越兵初至。營壘未成。左右請出兵掩之。時澄已懷鄉背。堅曰。兵勝則可。不勝立為虜矣。救至而後圖戰。未晚也。國主尋命凌波都虞候盧絳。自金陵引所部舟師八千。突長圍來救。絳至京口。舍舟登岸。與吳越兵戰。吳越兵少却。絳方入城。圍復合。固守踰月。自相猜忌。澄已通降款。慮為絳所謀。徐謂絳曰。聞者言都城受圍日急。若都城不守。守此亦何為。絳亦知城終陷。乃曰。君為守將。不可棄城而去。宜赴難者。唯絳可耳。澄偽為難色。久之曰。君言是也。絳遂潰圍而出。初絳怒一裨將。議殺之。未決。澄私謂曰。盧公怒爾。爾不生矣。裨將泣涕請命。澄因曰。吾有一言告爾。非徒免死。且得富貴。因諭以降事。令先出導意。裨將曰。某家在都城。將奈何。澄曰。事急矣。當自為謀。我家百口。亦不暇顧矣。於是裨將踰城而出。絳猶未知。明日澄與絳同食。主兵者來告。澄作色曰。吾謂公已斬之矣。何得令逃也。絳已去。澄徧召諸將卒。告曰。澄守城數旬。志不負國。事勢如此。須為生計。諸君以為如何。將卒皆發聲大哭。澄懼有變。亦泣曰。澄變恩固深於諸君。且有父

永樂大典

卷一三三〇七

母在都城。寧不知忠孝乎。但力不能抗。爾諸君不聞楚州耶。初周世宗圍楚州。久不下。既克。盡屠之。故澄以此脅衆。戊寅。澄帥將吏開門請降。潤州平。絳聞金陵危甚。乃趨宣州。日夕酣飲為樂。或勸赴難。皆不答。乙酉。除名。人宋惟忠棄市。坐私習天文。妖言切害。為其弟惟吉所告。故也。丁德裕部送潤州降卒數千人。赴昇州。城下。卒多道亡。曹彬發檄招誘。稍來集。慮其為變。又盡殺之。庚寅。彬等言。敗潤州。潰卒數千人。於昇州。斬首七百級。丁酉。以相州錄事參軍河南錢文敏為右贊善大夫。權知瀘州。先是藩鎮多以筆贖私取官庫錢。韓重贇領昭德時。頗仍舊弊。文敏不與。重贇怒。召文敏廷責之。文敏詞不屈。重贇既死。上始聞其事。嘉文敏有守。故擢用焉。且召見便殿。謂文敏曰。瀘州近蠻。尤宜綏撫。知州郭重遠。播飲不法。恃其僻遠。謂朝廷不知。至即為朕鞠之。苟有一毫侵民。朕必不赦。因厚賜遣行。重遠竟坐棄市。文敏在州有政迹。夷人詣闕借留。詔改殿中丞。聽再任。是月。始發和州三縣丁夫鑿橫江河以通糧道。從京西轉運使李符之策也。初李從鎰至江南。諭上旨。國主欲出降。陳喬張洎廣陳符命以為金湯之固。未易取也。北軍旦夕當自退矣。國主乃止。李穆既還。上復命諸將遣兵及潤州平。外圍愈急。始謀遣使入貢求緩兵。按實錄。李從鎰

永樂大典卷萬三千三百三

十三

以八月十二日。運其國使入貢。求緩兵。不知初發江南是何時。用十月一日到京師。則當是九月半以後也。九月半以後。從鎰無緣不在江南矣。而理傳載。程子書。附周惟簡奏上者。其辭有云。在京二弟。以養優。據此則似從鎰與從善俱未嘗遣也。從鎰既還。而此書亦無一言及之。不知何故。或者李穆歸朝。程已具謝。此特追敘。從鎰未還時。并蒙恤養。故耶。然李穆再使江南。其歸也。程亦嘗有以復命。而史絕不記。蓋味略矣。今且參考諸書。如修潤。史供詳之。道士周惟簡者。鄱陽人。隱居洪州西山。國主召之。館於紫極宮。常以冠褐侍講周易。累官至虞部郎中。致仕。於是張洎薦惟簡有遠略。可以談笑弭兵鋒。復召為給事中。與修文館學士承旨徐鉉同使京師。時國主屢督朱令贊舉湖口兵來援。謂鉉曰。汝即行。即當止上。江援兵勿令東下。鉉曰。臣此行未必能排難解紛。城中所恃者援兵爾。奈何止之。國主曰。方求和好。而復召兵。自相矛盾。於汝豈不危乎。鉉曰。要以社稷為計。置臣於度外耳。國主泣下。即拜左僕射。參知左右內史事。鉉固辭。國主又以惟簡雅素高尚。不近榮利。親寫十數紙。題為奏目。令惟簡乘間求哀。欲謝政養病。冬十月己亥朔。曹彬等遣使送鉉及惟簡赴關。鉉居江南。以名臣自負。其來也。將以口舌馳說存其國。其日夜計謀思慮。言

語應對之際詳矣。於是大臣亦先白上。言鉉博學有才辨。宜有以待之。上笑曰。第去。非爾所知也。既而鉉朝于庭。仰而言曰。李煜無罪。陛下師出無名。上徐召之升殿。使畢其說。鉉曰。煜以小事大。如于事父。未有過失。奈何見伐。其說累數百。上曰。爾謂父子者為兩家可乎。鉉不能對。惟簡尋以奏目進。上覽之。謂曰。爾主所言。我一不曉也。上雖不為緩兵。然所以待鉉等。皆如未舉兵時。士實鉉等辭歸江南。按實錄。徐鉉用惟簡。凡兩至京師。故五代史及後苑。太祖對鉉辭有不同。今以五代史所載附之初見時。該死所載附之後見時。上初答惟簡。但云不曉爾主所言。後遂詰責之。初猶以理折鉉。後乃直加威怒。其事勢或當然也。史須考詳。辛丑。詔諸道州府下屬邑令佐。令佐下鄉里者。艾察民有孝悌力田。奇才異行。或文武才幹。堪備任用。年二十以上五十以下者。傳送赴闕。乙卯。遣使檢視京畿逃民。丁巳。江南國主復遣使入貢。求緩師。不知所遣何人。當考。遣莊宅使王仁琏。內供奉官李仁祚。與知河南府焦繼勳。同修洛陽宮室。上始謀西幸也。實錄本紀。皆云遣內班都知王仁祚。其後推恩到王仁琏。李仁祚也。不知何故。今從會要及焦繼勳傳。仁琏仁祚俱未見。戊午。改潤州鎮海軍為鎮江軍。朱令贊自湖口以表入援。號十五萬。縛木為筏。長百餘丈。戰艦大

永樂大典卷一萬三千三百

三

者容千人。順流而下。將焚采石浮梁。王明率所部兵屯獨樹口。遣其子馳騎入奏。且請增造戰船三百。以襲令贊。上曰。此非應急之策也。令贊朝夕至。金陵之圍解矣。乃密遣使令明於洲浦間多立長木。若帆檣之狀。令贊望見疑有伏。即稍遲遛。時江水淺涸。不利行舟。令贊獨乘大航。高十餘重。上遣大將旗幟。至皖口。行營步軍都指揮使劉遇。聚兵急攻之。令贊勢蹙。因縱火拒闕。會北風甚。火反及之。其眾悉潰。己未。生禽令贊。及戰。裨都虞候王暉等。獲兵仗數萬。金陵獨恃此援。由是孤城愈危。虞矣。本紀及劉遇傳。皆云禽令贊於皖口。王明傳。乃云小孤山。江南野錄。又云虎踞洲。未知孰是。今從本紀。及劉遇傳。監察御史劉蟠。性清介。寡合。能攻苦食淡。頗任數設詐。以卜人主之過。蟠時領涿院。乙丑。車駕臨幸。蟠伺上將至。輒杖短後水芒屨。持挺親督役。頭蓬不治。遽出迎謁。上以為能。勅其官。賜錢二十萬。上自涿院。移幸晉王北園。賜從臣飲。極懽而罷。十一月己巳。朔。瓊州言。俗無醫。民疾病。但求巫祝。詔以方書本草給之。邕州之右江生毒藥樹。宣化縣人常採貨之。知州侯仁寶奏其事。詔盡令伐去。仁寶益之子也。舊錄以己巳為十月。今從新錄及本紀。先是武勝節度使張永德貢馬賀潤州平。馬皆老病。有司劾奏。永德上表待罪。庚午。詔釋不問。永德

聞王師南伐。出家財作戰船數十艘。運糧數萬斛。自順陽緣漢水而下。州
豪高進者。舉族凶暴。前後莫能禁。永德發其姦。寘于法。進潛詣闕。誣永德
據險固。置十餘營。將圖不軌。上遣使察之。使者詰進置營之所。進辭窮。乃
曰。張侍中誅吾宗黨殆盡。欲中傷之。以報私怨爾。實未嘗置營也。使者還
白上。上曰。吾固知張道人非反者也。即以進投永德。永德遽解其縛。就市
笞而釋之。時稱其長者。永德善喜與方士遊。家貲為之罄乏。上故以道人
目焉。永德傳云。遣樞密都承旨曹翰。領騎兵察置營之所。既無有。翰即以
告者付水德。按傳載此事。與王師討金陵相連。屬曹翰時首將先時。安得
至唐邸問也。且方察其營之有無。安月使領騎兵。不亦殊皇土事乎。且不
應即以告者付水德。恐傳必誤。今輒刊改之。更須考詳。徐鉉及周惟簡
遷江南未幾。國主復遣入奏。革未。對於便殿。鉉言李煜事大之禮甚恭。徒
以被病未任朝謁。非敢拒詔也。乞緩兵以全一邦之命。其言甚切至。上與反
覆數四。鉉聲氣愈厲。上怒。因按劍謂鉉曰。不須多言。江南亦有何罪。但天
下一家。計榻之側。豈容他人鼾睡乎。鉉皇恐而退。上復詰責惟簡。惟簡益
懼。乃言臣本居山野。非有仕進意。李煜擅遣臣來耳。臣素聞終南山多靈
藥。它日願得棲隱上憐而許之。仍各厚賜遣還。是日幸綾錦院。召從臣

永樂大典卷一萬二千三百三

古

宴射苑中。戊寅。初置三司推勘院。以將作監丞張邈知院事。尋罷之。
契丹雲州節度使。當考其石氏。遣人致書瀛州。願與防禦使馬仁瑀通好。仁
瑀以書來上。庚辰。王明言。敗江南兵萬餘人於湖口。獲戰艦五百艘。兵
仗稱是。先是曹彬等列三寨攻城。潘美居其北。以圖表上。上視之。指北
寨謂使者曰。此宜深溝自固。江南人必夜出兵來寇。爾亟去。語曹彬等。併
力速成之。不然。終為所乘矣。賜使者食。且召樞密使楚昭輔草詔。令徙置
戰棹以防它變。使者食已。即行。彬等承命。自督丁夫掘塹。塹成。江南人果
夜出兵五千襲北寨。人持一炬。鼓譟而進。彬等縱其至。乃徐擊之。皆殲焉。
其將帥佩符印者几十數人。是日。命校書郎直史館宋準質契丹正旦。
殿直邢文度副之。文度未見。王師圍金陵。自春徂冬。居民樵采路絕。兵
又數敗城中。奪氣。曹彬終欲降之。故每緩攻。累遣人告國主曰。此月二十
七日城必破矣。宜早為之所。國主不得已。約先令其子清源郡公仲寓入
朝。既而久不出。前數日。彬日遣人督之。且告曰。郎君不須遠遁。若到寨。即
四面罷攻矣。國主終惑左右之言。以為城堅如此。豈可剋日而破。但報云
仲寓趣裝未辦。宮中宴餞未畢。二十七日乃可出也。彬又遣人告曰。若二
十六日出。亦無及矣。國主不聽。先是上數因使者諭彬。以勿傷城中人。若

猶因聞李煜一門切無加害。呂祖謙宋朝大事記自古平亂之主其視降
上不啻仇讐而我太祖待之極其恩禮劉餘應渴飲之釋疑李煜一門我
無加害故備傷之蒙恩得保全老死於牖下自古攻取之主其視生民殆
若草菅而我太祖待之曲如存撫江南無所不戰一人平蜀多殺每以為
恨故新集之衆不啻如赤子之仰父母仁心仁聞三代而下未之聞也。於
是彬忽稱疾不視事諸將皆來問疾彬曰余之病非藥石所愈須諸公共
為信誓破城日不妄殺一人則彬之病愈矣諸將許諾乃相與焚香約言
既畢彬即稱愈乙未城陷初陳喬張洎同建不降之議事急又相要以同
死社稷然洎實不死志於是携妻子及橐裝入止宮中引喬同見國主喬
曰臣負陛下願加顯戮若中朝有所詰問請以臣為辭國主曰歷數已盡
卿死無益也喬曰陛下縱不殺臣臣亦何面目以見國人乎遂縊洎乃告
國主曰臣與喬共掌樞務今國亡當俱死又念陛下入朝誰與陛下辨明
此事所以不死者將有待也國主然其言洎始陳喬洎升閣喬自縊洎
喬喬氣絕乃下而談先棄喬子視事廳洎猶不知國史蓋自九國志陳喬傳
所云恐九國志未可信也洎既已背約不死亦何待喬氣絕乃下閣乎談
死又言國主求喬不得或告洎以為喬已北降明年乃得喬尸按此則所

云同升閣者輝甚矣今冬的修潤庶免抵牾大抵城破時洎與喬猶同見
國主指如前約喬遂死而洎不死耳洎固不能死所以同見國主者度國
主必不許其死也彬整軍成列至其宮城國主乃奉表納降與其羣臣迎
拜於門即選精卒千人守其門外令曰有欲入者一切拒之始國主命積
薪宮中自言若社稷失守則盡室赴火死及見彬彬慰安之且諭以歸朝
俸賜有限費用至廣當厚自齋裝既為有司所籍一物不可復得矣因復
遣煜入宮惟意所欲取行營右廂戰棹都監梁迥及田欽祚等皆諫曰苟
有不虞各將誰執彬但笑而不答迥等力爭不已彬曰煜素無斷今已降
必不能自引決可亡慮也又遣五百人為輦載輜重煜方憤歎國亡無意
蓄財所操持極鮮頗以黃金分賜近臣獨右內史學士張佖不受諸彬自
陳願奏其事彬謂佖邀名不許但取金輸之官彬既入金陵申嚴禁暴之
令士大夫賴彬保全各得其所親屬為軍士所掠者即時遣還之因大蒐
于軍無得匿人妻女倉廩府庫委轉運使許仲宣按籍檢視彬一不問
事本未振之絕世謀仁人之心無所不至矣人大說師旋舟中惟圖籍
衣衾而已新隆興寺成凡五
百六十三區丙中車駕臨視。

永樂大典

卷二二三〇八

永樂大典卷之一萬二千三百七

永樂大典卷之一萬二千三百七

十六